

四庫全書

子部

欽定四庫全書

子部  
通雅卷三十七

詳校官中書臣朱文翰

員外郎臣牛稔文履勛

總校官降調編修臣倉聖脉

校對官中書臣高中

謄錄監生臣閻學朱

欽定四庫全書

通雅卷三十七

明方以智撰

衣服

佩飾

鞶帶革帶也古垂末而今圍之功服宮袍帶猶垂之遺式也左傳鞶厲游纓昭其數也注鞶紳帶也一名大帶厲大帶之垂者莊二十一年夏鄭伯享惠王王以后之鞶鑑與之注鞶帶而以鑑為飾今西方笄制為然古之遺服襄二十九年吳季札聘鄭見子產與之縞帶注

大帶也定六年衛公叔文子曰定之鞶鑑易鞶帶詩都  
人士垂帶而厲疏禮大帶垂三尺凡蘭垂帶悖兮鳴鳩  
淑人君子其帶伊絲箋大帶用素絲有雜色飾焉禮男  
鞶革女鞶絲婦事舅姑施鞶表周禮疏凡帶有二大帶  
大夫以上用素士用練即紳也今插笏者於身之外帶  
之內又有革帶所以佩玉帶劍或王有帶銘魯語卿之  
內子為大帶注緇帶也揚子今之學者繡其鞶悅田單  
黃金橫帶智按但云大帶則今之鸞帶與行服彩帶之

類鞶帶則後世金銀帶之權輿矣或以衣衿帶為小帶則圍帶通可謂之大帶其云緇帶則必夾帶也孝文遺北地黃金飭具帶一黃金犀毗一注孟康曰要中大帶智謂飭具帶正沈休文移孔張思光寬至髀是也若犀毗則鞞帶也晉志革帶古之鞶帶也其有囊綬則綴於革帶鄧遵禮圖曰璫綴於革帶阮諶以為有印章則佩之隋李德林傳開皇元年勅德林與于翼高頰等同修律令事訖賜九環金帶唐志唯天子之帶有十三環元

魏帝解所服金縷玉梁帶賜侯莫陳順房玄齡傳太宗  
賜玄齡黃銀帶開元七年徙宋王憲為寧王上自解紅  
玉帶李載義傳太和三年平李同捷文宗賜白玉帶裴  
度傳御通化門臨遣賜通天御帶舊紀云犀帶白敏中  
兼邠寧節度賜通天帶李德裕進太尉封教艸其制解  
所賜玉帶贈之李光顏傳還鎮忠或賜玉帶李靖破蕭  
銑時所賜于闐玉帶十三胯宋建隆元年賜宰相樞密  
犀玉帶熙寧解白玉帶賜王安石宣和七年賜皇太子

碾龍排方玉帶端拱中作瑞州毬路文方團胯帶景德  
四年賜太子太師呂蒙正金帶六種御仙花帶毬文四  
方五團御仙花排方金塗帶九種有寶餅荔枝雙鹿之  
別技術官銀帶金束帶八種犀帶二種熙寧中宗旦宗  
諤告謝特賜毬文方團金帶宣和後宰執侍從以花犀  
帶入朝高宗開大元帥府服排方玉帶熙寧八年岐王  
顥嘉王顥言蒙賜方團玉帶凡玉帶乘輿排方東宮不  
佩負駙馬都尉賜白玉帶宗室服金雕玉白玉通犀帶

今時革帶前合口曰三台左右各排三圓桃排方左右曰魚尾有輔弼二小方後七枚前大小十三枚唐之十三勝即此式之初式也但下必有小環繫如今駙馬管領紅盔大漢者披執太殿門則有開粧帶其式近之白樂天詩親王轡開粧因其名而名帶也唐高祖賜李靖七方六利勝各附金環佩火鑑大觶算囊柳杯等物是也李昉言荔支帶非恩賜者官至三品乃得服宋陳隋隱著帶格王及西府有笏頭一字華士海捷內侍用毡



路教坊用凹面今時謝恩公服襟頭四品以上用荔支  
金帶垂垂一帶尾

帶頭垂者曰銳尾 宋志以垂頭名銳尾取順下之義  
即曳尾也遼史衮服有玉鵝七銳尾元志用金打銀水  
地龍鵝眼銳尾今誇官帶曰撻尾撻尾亦唐名也王洙  
曰唐撻尾刻字李昉有帶刻六龍朔某季紫宸殿宣賜  
鄭畋程大昌載黃繡緙取獬尾著腰恐不因此

犀毗通作胥紕師比或轉為解卑鷄鷓今之鞞帶也

漢文和親東夷使係虜淺來予以繡裕綺衣比疎一黃金犀毗一比疎史記作比余師古曰辯髮之飾也實即比梳史記犀毗作胥紕張晏曰鮮卑郭絡帶瑞獸名也東郵好服之楚辭小腰秀頸若鮮卑只注帶頭言腰頸細如束帶也又名師比戰國策趙成靈王賜周紹興帶黃金師比延篤云弧革帶鈎也淮南主術訓趙成靈王貝帶鷓鴣而趙國化之注鷓鴣二字三合音私鉞頭也即犀毗三國志魏文帝賜劉禎郭絡帶梁吉士瞻得金

革鈎晉泰始中相尚以氈為陌頭及絡帶袴口吳謠鈎  
絡鈎帶也漢鶡冠貝帶製與此相近遼或官束鞞鞞帶  
扞腰即鈎絡今日鞞帶

鞞音汀

郭若虛記七事跣跣从韋

从革从足通用

鈎髀即所謂螳螂拘也 晉語矢集于桓鈎蓋革帶有

鈎以拘之後世謂之鈎髀

丑列反

阮湛曰髀螳螂拘謂之

拘髀荀卿曰縉紳而無鈎帶陳暘禮書曰唐以玉為鈎  
髀與古異矣按隋志采用東齊之法十二等衣有織成

升龍白紗內單黼領青標襪裾革帶玉鈎躒大帶素帶  
朱裏紕其外皇太子則金鈎躒此唐因隋隋因江南也  
綉袍肚即勒帛腰圍也 宋大卿監以下不給錦袍者  
加以黃綾綉袍肚即包肚也勒帛者以帛勒腰也襍俎  
載穀城石人刊其腹曰磨堯鞬磨堯鞬慎勿言智以堯鞬  
即堯肚如馬之鞬勒也崔實論馬駘其銜方將拊勒鞬  
輻以救之橐鞬亦言包也他處所引如詩紀作磨堯鞬  
聲近相借耳博雅衲褱謂之衲服衲服即抹腹蓋堯鞬

也恐非衲禮

毅改剛卯也漢靈父佩也衝牙佩中瑤璜之梁也滕蘇  
言其絲也魚袋合魚符之義也唐以袋盛魚宋以魚飾  
袋明帝乃為衝牙雙瑤璜以白玉落以白珠公卿采  
絲佩刀金通身貂錯半鮫魚鱗金漆錯雌黃室五色屬  
隱室華侯王金錯環半鮫黑室公卿皆黑不半鮫小黃  
門雌黃室或將白虎文以白珠鮫為鏹口之飾刀鋒白  
鏹佩雙印長寸二分方六分一本云方七分乘與諸侯

王公列侯以白玉中二千石至四百石皆以黑犀三百石以下皆以象牙上合絲乘輿以滕貫白珠赤屬韃諸侯以下以繇赤絲韃滕繇各如其印質刻書文曰正月剛卯既沒靈爰四方赤青白黃四色是當帝令祝融以教夔龍疾曰嚴卯帝令夔龍謹爾周伏化茲靈爰既正既直既觚既方庶疲剛瘳莫我敢當凡五十八字王莽傳劉之為字卯金刀也正月剛卯金刀之利皆不得行注服虔曰剛卯以正月卯日作佩之長三寸廣一寸四

方或用玉或用金或用桃著革帶佩之晉灼曰刻其上  
面作兩行書云云師古曰今土中往往得玉剛卯者韓  
詩外傳齊桓公出遊過一丈夫帶著桃父問之曰人之  
戒在桃父來季正月庶人皆佩智按卯佐為黃道之門  
故取卯日也此制後代不沿而衝牙至今用之今叮嚀  
中兩橫三垂是也但不用珠耳天子諸王露垂之百官  
以紅紗囊映之唐宋以來皆佩礪石金魚袋今亦無此  
唐初職事官三品以上賜金袋刀礪石一品以下有手

巾算袋佩刀礪石睿宗時罷佩刀礪石而五品以上佩  
韃鞮七事佩刀刀子礪石契必真噦厥針筒火石是也  
泉男生率衆內附高宗賜袍帶金鈿七事帶之制三品  
以上玉梁寶鈿五品以上金梁寶鈿六品以下金飾隱  
起而已腰帶一品二品鈔以金六品以上以犀九品以  
上以銀元和鄭餘慶請自今唯職事官佩劍綬會要永  
徽京官文武職事四品五品竝給隨身魚袋天授元季  
改內外官佩魚為龜至神龍復佩魚朝野僉載上元中



佩刀礪算袋紛帨為魚形結帛作之開元元季令特進  
佩魚散職佩魚自茲始後恩制賞緋紫例兼魚袋謂之  
章服景雲二季魚袋著紫者金裝緋者銀裝炙轂子曰  
魚袋古之算袋取合魚符之義宋雍熙郊祀畢內出魚  
袋賜近臣由是文武皆佩魚紫以金緋以銀馬永卿曰  
今魚袋乃古魚符必以魚者分左右可以合符唐以袋  
盛魚宋以魚飾袋王麟洲得一古剛卯卮言曰剛卯殼  
改也因陶九成之說也玉篇作開改即以開音殼程大

昌譏說文分音殺字疑王莽所鑄此時改而大之邪今  
按說文甚明但漢志未載殺改耳陶九成又云得黃山  
谷辨剛卯說但云絲絲繩也古無此字蓋所引漢志赤  
絲麤藤絲是絲誤為絲耳絲即綉字變體

綸組繾綬印紱也

綸

說文古還切六書  
故但音龍春切

青絲綬也有

秩嗇夫所帶糾青絲綬張華云綸如宛轉繩仲長統傳  
身無半通青綸之命輿服志百石青紺綸采宛轉繆織  
長丈二尺組綬類也周禮典絲受文絲組戰國策衛君

束組三百緄景帝詔纂組注纂赤組也組者今綬紛條

是也緄

音逆

綬之絲古佩璲也漢青綬以上緄皆長三尺

二寸與綬同采而首半之自五霸迭興解去鞞佩留其

係璲以為章表故詩曰鞞鞞佩璲鞞佩既廢秦乃以采

組連結於璲光明表章轉相結受故曰綬漢承秦制加

以雙印佩刀之飾明帝為大佩衝牙自侯王鑿綬而下

有紫青墨黃以別高卑朱浮言綬工李涉穹六家所織

綬不能具丙丁文能如組狀纂能為丙丁文謹圖畫一

綬丙丁制度綸之二音智以為刪韻彪又音彬又音班  
隣本鄰又音闌皇甫謐釋勸文用青紫班隣矜亦讀鯨  
殷轉為烏閑切故蜀或侯綸中讀若鯨此漢末之音而  
唐以來止讀為倫耳升菴以音闕者作緡其實古無緡  
字

大筆猶簪筆也 漢書張安世持橐簪筆事或帝數十  
季注張華曰橐契囊也近臣負橐簪筆從備顧問或有  
所紀也師古曰囊所以盛書無底曰橐簪筆者插簪於

首西門豹簪筆亦如此注魏志明帝見殿中侍御史簪  
白筆側階而大問曰此何官也辛毗曰御史簪筆晉志  
古者貴賤皆執笏笏者有事則書之故常簪筆今之白  
筆是其遺象三臺五省二品文官簪之王公侯伯子男  
卿尹及政官不簪加內侍者乃簪之尚書令僕手版頭  
復有白筆以紫皮裹之智按談苑曰梁職儀八座尚書  
以紫紗裹手版垂白絲於首如筆宋志朝服肩上有紫  
生袷囊綴之朝服外俗呼曰紫荷或云漢代以盛奏事

負荷以行晉志八座尚書荷紫以生紫為袷囊綴之服外加於左肩昔周公負成王制此服至今以為朝服智按周捨問著紫荷囊于劉士深即此索隱注史記簪筆乃以目擊本朝之制揣摩古人耳其實安世西門豹之簪筆猶之載筆帶筆豈必插筆於首乎晉有此制宋紹興中禮官言皇子七梁額花冠金鍍銀大筆金元志亦有貂蟬大筆金大筆銀大筆之分以昭官階今無此制即起居注不過袖筆而已李靖傳五世孫彥芳太和中

獻家藏太宗賜靖詔書有佩筆以木為管金玉飾之漢  
賜筆札筆刻云北宮工作洪武公侯朝冠猶有古筆之  
名

笏囊始於蕭梁 唐史言張九齡始為笏囊盛笏蓋自  
蕭梁已有紫囊盛笏矣笏詳書札部類

箕膝箕袋也 前外戚傳中黃門持詔記盛綠緋方底  
注厚緋方底盛書囊形如今之箕膝本艸言烏鰂魚乃  
秦始皇箕袋所化箕袋即箕膝或則天賜朱前疑緋箕

袋又曰照袋晉公記王太保從蒼頭攜照袋貯筆硯照袋以烏皮為之陶穀曰唐季有方便囊

幘錯簾綈也 三朝記屬車上施紫通幘絡帶門簾皆

繡雲鶴紫絲網幘錯楚謂大巾曰笄通作紛內則右佩

紛悅周禮莞筵紛純注紛如綬有文而狹即今汗巾有

綈者也錯說文以今有所冒也廣韻曰器物錯頭外戚

傳切皆銅杏冒即錯字此言車上垂簾網絡紛冒也廣

韻有幘字李肇言青綺方褱宋敏求言官誥分紅紫絲



網金銀帛襜褕褕通

褌鞬鈎袒也

淳于髡傳褌鞬鞬

鞬音紀鞬音溝褌本作褌居倦切又

平聲說文曰囊也今鹽官三斛為一褌徐廣曰褌收衣袂

也小司馬曰紀免切智按即今之絡袖類篇曰囊有底曰褌鞬扞臂也鞬又與跽同小跪也如今之半跪或安傳半膝席是也董偃綠幘傳鞬張克放紕脫鞬皆謂臂上褌鞬也鈎袒周禮注如今揜衣也釋文作搏䟽曰若漢時人揜衣以露臂皆謂如今卷袖或鞬臂亦相近

列櫛剝帶也

北魏禮志方陳鹵簿列步騎四重列櫛

建旌南史王琨傳曰初征謝晦有紫櫛在匣中櫛即櫛

从票增加耳櫛蓋施影帶之類也陶貞白與梁或帝啓

曰蒙給二卷伏覽標帖皆如聖旨升菴引晉志中官紫

櫛外官絳櫛晦伯正陽非之非也王伯厚亦載此蓋櫛

標影櫛剝皆通用而本於標今本或作標而通典通考

作標金史有醬瓣樺釧口乃刀箭飾也淮南曰雞栖井

榦櫛林構櫛則亦謂染稅拱斗之伸出者魏書裴粲傳

善自擱置它言節烈擱門閭者甚多即作標表用

爰閭帳息也 汲冢王會解曰外臺之四隅張赤帟為

諸侯欲息者息焉命之曰爰閭注每角帳息者隨所近也諸侯稱爰愚未知其解鄉射禮受奠之處曰閭獸名如驢一角歧蹄古大射刻木象之為受奠一曰交閭近世撐木交互以建帳其行時撤而載之如今可坐者曰交牀此閭仍象屋門爰有交象交木撐帳也唐宴鋪百官皆有幔舍見徐堅傳周禮帟幕之制是也石林燕語

載宋殿廬幕次

繖因古之繆 晉輿服志功曹史繖扇騎從退之用張  
大傘傘始見于南史王縉以笠傘覆面魏書裴延儻傳  
山奴持白傘白幡按說文繆旌旗之旂爾雅繖帛繆注  
眾疏所著正幅為繆此即繖之原升菴謂傘亦古文

衣服 布帛

無文曰繖刺繡曰絁錦繡之質曰地 錦織綵為文也

繡刺綵為文也左傳注五色備謂之繡

一作繖 莫半無

文之帛也漢律曰賜衣者縵表白裏周官卿乘夏縵鄭

氏曰無瑒也傳曰絳服乘縵杜氏曰無文也音與漫

平聲

鞞

漢官切

通凡祭祀奏縵樂謂琴瑟之屬被之以絲學記

操縵是也絀

莫到切見急就章一作純

謂刺

七亦反

也凡錦繡皆有地

魏志賜女倭以絳地交龍錦絳地縵粟罽裴松之不知  
乃欲改地為緋引漢文弋緋殊可笑也

最細曰織稍粗曰縞凍縞曰練并絲曰縑扁緒曰繫

小顏解約為素之精者而又曰縞此皆由康成臆說以

織為黑經白緯故後人無憑耳按禮以縞為未純吉之服而縞冠以素紕之明縞粗于素也禘而縞禫而織則細爽如常其解縞為細縉者非矣禹貢厥篚玄織縞玄白二色而織縞二種織為最細縞稍粗也確矣其曰練者凍縉也煮縵而熟之也慌氏凍絲凍帛馬后衣大練是也單曰素者絹之精白用書寫也素白綴縉也小爾雅謂縉精曰縞縞粗曰素皆臆耳劉向典校書籍先書竹可繕寫者以上素淮南子曰素之質白縵之性黃此

以縑為今之生絲綃矣說文縑并絲縑此以為今之雙  
絲矣當以淮南為是二丈為端二端為匹兼義也說文  
縑并列切扁緒也唐貢豫州雙絲綾錦州雙紉兼絲也杭  
曰白編扁緒也郭璞曰短度絹曰葉翰言薄也薄者扁  
緒今杭州杭緒應是此類

織素為文曰綺光者曰綾冰素方空縠羅皆紗也紗至  
輕者曰輕容縑厚縑也縑綿紬也紬之粗者曰絳精者  
曰綿甚粗曰絮 綺文縑也織素為文曰綺魏都賦羅

綺朝歌子虛賦雜織羅已明是今紗羅之羅矣陸務觀  
曰遂寧出越羅似會稽尼羅今三梭羅師古曰綾今之  
雜小綾也戴氏曰絕地而織文者也唐潤州貢方碁水  
波綾豫州灘瀾綾定州兩窠綾澧州龜子綾閬州重蓮  
綾釋名曰縠胡谷反紗也所云霧縠言其細而起雲耳章  
紀詔齊省冰素方空縠吹綸絮皆紗許氏曰細絹不如  
劉熙矣紗之至輕者曰輕容唐類苑云輕容無花薄紗  
也王建宮詞嫌羅不著愛輕容李賀詩蜀烟飛重錦峽



雨測輕容元微之寄白樂天詩白輕容是也賓退錄言  
宋貢輕容方紋紗伯厚以縐與縠并稱曰紡絲而織之  
詩有縐絺蓋今之縐紗實雙絲紡線而織者也重三斤

五兩謂之平紬范睢綈袍

綈杜  
兮反

注蓋今之純也絡即生

縐縐即纏字

商支  
反

俗作純一曰今之綿紬是也說文纏

粗緒也廣韻纏繒似布繭古作縑蠶絲白色也衣以繭  
絮之曰繭縑為繭縑為袍記曰子羔之襲也繭衣裳鄭  
曰若今大襦抽引粗繭紡而織之曰紬紬之粗者曰絁

荆卦反

繭滓所抽頭絲也今河南與桐城皆有狼頭土細

甚粗衣之起毛可作袍漬繭擘之精者曰綿粗者曰絮

今謂新者曰綿故者曰絮古言績即綿

績或作純

自古至唐

初尚未知木綿之可以為絮董京乞殘碎繒絮陶潛言

敗絮自擁皆非今之絮也北周制庶人以上聽衣綢綿

綢絲布圓綾紗絹綃葛布九種綿綢即綿紬絲布以絲

襪布縷織之身之曰今兼絲布圓綾土綾也紗方目紗

也絹細縑綃生絲而薄也古苧縵通葛布葛越夏布今

人絲兼綿紗織成溫更不知古人雜麻何如也身之即  
以為今兼絲恐尚不同元豐九域志言貢物有隔織十  
八匹縹絲純二十匹

宮纈即宮錦也 詩錦衣狐裘禮玉藻居士錦帶以五  
色絲為之字从金言貴也唐明皇以宮錦袍賜李白通  
作纈杜牧之詩花塢團宮纈杜甫詩內藥繁於纈魏書  
高陽王傳奴婢不得衣綾綺纈止於縵繒而已北周書  
宇文護傳著紫織成纈通身袍并與錦同小說裴晉公

午橋莊有文杏百株大碎錦坊韓退之詩碎纈紅滿杏  
注作醉纈引李長吉醉纈拋紅網碎纈即碎錦唐玄宗  
以韋妃蜀纈袍覆學士韋綬

唐有夾纈之名 薛濤詩夾纈籠裙繡地衣元染工有  
夾纈檀纈三套諸名唐語林曰玄宗時柳婕妤妹適趙  
氏使工鏤版為雜花打為夾纈因獻王皇后一疋上賞  
之遂廣其製蓋即錦文也夾纈言夾錦也元林坤誠齋  
雜記亦言此事計敏夫載崔詹事遺王璘夾纈數匹璘

翼日以作單檐褕衣之元費著蜀錦譜有八答暈六答  
暈錦簇四金雕錦盤毬錦大窠馬大毬錦雙窠雲雁錦  
輟耕錄言暉卷有姜牙方拱疊勝回文諸錦升菴言宋  
有樓臺錦擣捕錦毬路錦毬路即今毬門錦費著所列  
不全

鈿窠錦上雲龍之地也 冕上輅上亦用之宋仁宗景  
祐詔冕版犀瓶琥珀瓶悉罷之以青羅繪龍麟飾冕笄  
補空地以雲龍鈿窠九章衣亦云鈿窠及珠璣飾紹興

製大安輦有結條雲龍鈿窠霞子通考誤作細窠今按  
金史元史皆有簪窠款幔組帶鈿窠又言金釵花鈿窠  
服瑣服之紋如連瑣也綸帶錫布之尤精者也 綸大侯

反子移帶反說文無此字當是貨通有曰綸貨布也師古

曰服瑣細布織為連瑣之文也綸帶錫布之尤精者也

郊祀歌曳阿錫先狄切劉氏作竿跂切合溪作他計切恐誤注阿細繒也錫

細布也淮南子言弱緡羅紈士喪禮曰明衣裳縗緡緡

鄭氏曰裝飾在幅曰緡毗支切在下曰緡似是臆說說文

錫細布也。或作賜。楚禮公尊。實用綌。若錫。錫。錫。通。錫。十  
五升。抽其半。總加灰。錫治使滑易也。西京雜記曰。五絲  
為緝。倍緝為升。倍升為緘。倍緘為紀。倍紀為緞。倍緞為

緞

尼攝切

絲接歧也。解亦緝也。莊子挫鍼治解

古隘切  
緞子紅

切又去聲史景帝令徒隸衣七緞布。正義曰。蓋今七升布言

粗也。戴侗曰。如西京雜記之說。當為八升。七緞當為五  
十六升矣。侗恐誤。莫智按。倍緝為升。言十絲也。一緞當  
為八十絲。七緞正七升也。漢書十緞布二匹。孟康曰。緞

八十縷也一縷即一絲升即十字之轉聲也總衰三升  
半大功布九升小功布十一升則以多為細總十五升  
一曰兩麻一絲布也唐地理志泗州楚滌黃萊密州貢  
賁布夔州貢錫布又巴渝實布此時或木綿已入中國  
當為綿布矣外國自古有綿布如楞嚴結白疊巾南史  
載外國多白氎布皆以吉貝樹花為之唐隴右道貢白  
氎劍南道貢交梭彌牟布嶺南賦蕉紵按外國志荅烈  
古大宛也有瑣伏花毬洪洲載織烏毳為瑣伏又作鎖



袂今實有瑣服自廣舶來今廣州人亦能假之似素紡  
絹而自起雲京師呼為瑣附左機子雲蜀都賦細都弱  
析析即緡也列子衣阿錫張湛曰阿細穀錫細布淮南  
亦云弱緡細布也升菴云阿錫對齊紈阿地名此又一  
說刻絲法起于宋出定州見莊季裕雞肋周密陶九成  
皆作克絲

有納文者曰納布 劉裕微時伐荻有納布衣襖以付  
長公主緡流有納頭因書為衲遂有極精工者細襞積

縐而起也今松江織成有指甲魚鱗水波之紋智按王  
會圖曰於越納注謂納貢也諸國各書貢物而于越總  
言納字非也必其時已有細納縐積之布矣太平御覽  
有汲衣子妻李氏與夫書并致納一端高麗傳言高麗  
渡水見一人衲衣隋煬帝觀戒師有鷄納袈裟褊衫  
火毳火浣布也又有瑣瑣有石絨有火蠶綿 神異經  
南荒外火山有鼠毛作布十洲記炎洲火林山有火鼠  
織其毛為布郭氏玄中記曰炎山在扶南國之東加營

國之北諸薄國之西從四月而火生十二月而火滅正  
二三月火不然但出雲氣而艸木生枝條至四月火然  
艸木葉落如中國寒時行人正二三月行過此山取此  
木以為薪然之無盡取其皮為火浣布南史亦載扶南  
東大漲海海有二洲洲有諸薄國又千餘里有洲洲上  
樹生火中為火布今有之微黃白似木棉絲垢則投火  
中即潔後漢書外夷傳火毳注云火浣布也梁冀服之  
聖證論曰漢制舊優曰史利云初不信正始中得火浣

布乃信即此物也元史別怯赤山出石絨即火浣布升菴曰火浣布出蜀建昌白如雪出于石隙元史所謂石絨也陶九成言回紇野川有木曰鎖鎖燒之火不滅不灰取根製帽如火鼠布今火州又出火蠶綿則瑣瑣與石絨與火鼠布火木布火蠶綿蓋五種矣孟奇以逸周書所謂疑雪當之

外國布曰白氎 唐地理志隴右道厥賦有毛氎白氎劍南道有交梭彌牟布南史高昌國出艸實如鱸曰白

疊子可為布中天竺亦出白疊楞嚴經言白疊巾即此  
布所為也林邑國有古貝樹花如鷲毳作布智以古貝  
即吉貝也今廣東有之亦曰木棉高數丈呂宋人來載  
西洋布白膩精密云有艸織成又有毛布以纏頭者即  
彌牟也李石亦言古吉之訛李東璧云當是古字古貝  
是木棉木本古終是木棉草本自宋入中國鄧潛谷云  
元時入中國智按李石唐人已言之義山詩蛺蝶飛迴  
木綿薄方勻引李宗詩腥味魚中墨衣裁木上棉梁成

帝有木棉皂帳其來中國久矣外國志劉宋元嘉時伽  
毗黎獻金剛指環吉貝等物吐蕃貢霞氍毹即今紅氍毹  
升菴引揚雄蜀記雲南越氍毹音豆分氍毹也作氍者音  
轉耳晉載記有彰毹毛布也方言揄鋪氈毹毳也皆氍  
毹氍毹之聲也

越也卉也皆艸服也榻布即荅布也 越蒲屬可緝布

禮有越席越音活書卉服即葛越文選孫氏檄文葛越布

于朔土注葛即葛藟越即蕉苧黃艸之屬馬援都布單

衣注即荅布郝氏引史記貨殖傳榻布注榻布白疊布  
漢鄧后賜周馥貴人白越潛夫論葛子升越荊州記秭  
歸女盡織布至數十升謂之升越六研齋筆記大食國  
貢白越議晉令曰士卒百工不得服越疊蓋兩種布也  
按榻即荅番布之稍粗者南史言外國白疊艸為布或  
言安子艸織疊者字書加毛耳凡夫改疊作襟不必矣  
高似孫引漢書苧布此荅之訛

彌牟蘭干言細紵也 唐志劍南貢交梭彌牟布山南

貢綵綸蘭干華陽國志言寧州有梧桐花可績為布幅  
廣五尺此即木棉樹開花常璩誤記耳又言有蘭干細  
布織成文如綾錦蘭干獠言紵也彌牟言細也或曰牟  
為纏首者方子謙載橦木花可為布即常璩之言桐花  
可為布也或當時彼方之言以木棉為橦又唐勝銀州  
貢女稽布滌沔麻貨布黃州紵貨布蘇州紅綸布

凡布細而疏者謂之總 見儀禮總衰裳注今南陽有  
鄧總疏言鄧氏造總余謂鄧州所產也後凡喪帳曰總



帳

速夫毛布也納石失納貼可皆金錦也 元史天子質  
孫服青速夫回回毛布之精者又有怯綿乃翦茸也寶  
里服之有襪者也納石失納貼可皆金錦也元冕服及  
輿褥用之

西域細布謂之屈眴眩婆 瀛涯勝覽云栲葛刺國出  
沙塌兒布濶三尺五長四丈若三梭有葛黑葛勒濶四  
尺長二丈背面皆毳絨厚可五分即兜羅錦也日南國

棉布名考泥啞魚古里國布名搭黎此云西洋布也濶  
四尺五曰卑泊者楠葛刺華布名曰滿者提亦其國薑  
布名曰沙細者巴附者亦其國密實布名濶五尺如生  
羅即羅布也吳錄交趾定安縣有木棉樹高大實如酒  
杯作布名縹音泄一曰毛布南華志六祖信衣九條金縷  
即屈眴布西域以屈眴大細布也睽婆木棉也迦波羅  
劫貝也即木棉樹則辨古貝吉貝者証以劫貝則吉為  
近洪洲載夷貢有苾布油紅布絞節智布撒荅刺布闕

八者藍布覬木里布者抹黑荅太布

外國罽曰髦毼 後漢西京南國傳能作青頓髦毼烏

桓傳作髦毼

上力干反  
下胡達反

注剡也智謂剡乃毯耳說文引

詩毳衣如綉亦以為毯也南史高昌國獻蒲桃毼毼即

今所謂蒲桃錦毼毼也風俗通織毛褥曰毼毼亦作毼

毼古樂府坐客氍毹毼毼毼五木香毯毼即毼毼

音榻  
登

中天竺有毼毼今曰氍毹秦蜀之邊多有之似褐五色

方錦從外徼來廣中洋泊亦有至者又名多羅毼其大

者曰罽方數丈彼中依堂作毳故也伊尹獻今曰請今以丹青白旄紕罽江歷龍角神龜為獻注江歷珠名西海有文旄何承天纂文曰紕氏罽也

紕卑疑反罽居例反

說文作

纒又作罽西胡毳布范成大言黎單黎幕今海南有之皆以絨作錦或織成字廣西辰州土司皆有洞錦皆絨納之非毛毳也唐渝洪壽等州貢葛楚州貢孔雀布謂花文如孔雀即南州班布之類無功載耗翅細葛也見通俗文按道昭耗耗罽也唐韻作耗耗恐誤

生苧謂之黃潤 凡將篇黃潤鮮美宜製禪蜀都賦筒  
中黃潤一端數金左思賦黃潤比筒蓋筒中細布也今  
之疊布者必成筒一筒十端古無木棉乃細麻布黃潤  
者生苧也

麻布細者為絳粗者為苧荃即絳也曰葛曰練曰縠纊  
皆其類也 絺綌 上音抽脂切下音  
乞戟切一作絺綌 為葛之細粗其實

凡麻苧之物細皆為絺粗皆為綌書曰黼黻絺繡是也

紵 音苧 禹貢豫州貢紵高帝紀賈人毋得衣錦繡綺縠絺

紵屬說文緇縠屬細者為絳粗者為紵縠去穎反通作穎

績絳尚禮浴用二巾上絺下綌非必葛葛不收水如今

蘇州麻布揚州余東辰州洞巾是也漢閩王繇遺江都

王荃葛注荃細布本作絳葛亦麻泉之類故亦稱絳說

文泉著也通釋曰絲曰絮泉曰縕列子曰田夫衣縕麋

內則女子執麻泉周官有典泉淮南子位賤尚泉絲里反

儀禮苴經麻之有黃黃麻子也泉是雄麻麻之牡者不

實小顏言紵及疏屬疏亦作練說文新附音疎隋姚察傳門生

送南布花練伯審曰吾止麻巾蒲練于吾何用桂海虞  
衡志練子出兩江州洞似苧有花曰花練智見或岡洞  
口有布如三梭羅即練類也福建之苧金壇之葛有花  
者外國紵亦作斗文或績蕉絲為之唐端潮貢蕉布韶  
貢竹布振貢班布江南貢紗編綾編蕉葛練凡績之縷  
為纊朱子曰辟纊纊練麻也史記曰山西饒材竹穀纊  
司馬貞曰山中紵可為布也

芮溫絮纊也 呂覽必已篇不食穀實不衣芮溫注以

為絮蓋言絮續細爽也列子晉芮注芮細也或曰芮溫  
古人直借芮呼絮耳褚遂良傳芮芮興則茹茹蠕蠕音軟  
也可証軟絮通轉

絮幕曰牽離 釋名煮繭曰莫莫幘也貧者著衣可以  
幕絮也或謂之牽離者爛牽引使離散如綿也

衣服 綠色

黪紫淺紫也北紫今之正紫也油紫今之藕合也重紫  
今之青蓮色也真紫則累赤而殷者 宋景趙彥衛曰



仁宗晚季京師染紫變其色而加重先染作青徐以紫  
艸加染謂之油紫後人指為英宗紹統之讖自後以重  
色為紫與朱不相類何謂奪淳熙中北方染紫極鮮明  
中國亦效之目為北紫蓋不先青而改緋為腳用紫艸  
少誠可奪朱按周禮義疏以朱湛丹秫三月朱乃熾之  
即以炊下湯淋所炊丹秫取其汁考工記三入為纁五  
入為緌七入為緇又爾雅一染謂之緌再染謂之緌三  
染謂之纁士冠有朱紘之文鄭云朱則四入是更以纁

入赤汁則為朱論語紺緹者纁入赤汁則為朱不入赤而入黑汁則為紺夏以此紺入黑則為緹色若夏以緹入黑汁則為玄是六入為玄也夏以此玄入黑汁則七入為緹矣則知古之朱赤汁染之紫與朱實相近今之淺紫是矣其紫近絳謂之北紫緹是今之醬色也石林燕語曰太平興國中李文正公昉舉故事禁品官綠袍舉子白紵下不得衣紫蓋宋以緋紫為章服故重之故其色亦屢新也或則天施黦紫帳即淺紫油紫今之深

藕合色重紫則近今之青蓮色皆以月白或藍為初染地而加以紅花成之今又有真紫色則久久加大紅其色自紫惡其奪朱者正謂淺紫色艷耳

總曰朱以賜曰緋以艷曰紅正紅曰赤大赤曰絳言深紅之光曰緋翹紅曰緋雀頭曰纒丹黃曰緋縹縹縹緋緋緋次第之色今有水紅銀紅桃紅古但謂之紅荔枝沉香則緋縹之類也 合古今之稱推之以大赤曰絳丹

黃曰緋

他禮切  
又平聲

韎韐之跗注今時伍伯緋衣古兵服之

遺色靺是蒨染赤色也

緡即办切

亦赤說文引禮有緡緣

按禮止有緡緣二音相近或即一字未可知也

紺古暗切

深青揚赤色小顏緡淺赤色也紅色赤而白此則謂今

之水紅耳績亦赤緡儀禮不績則讀為緡緡

甫微切

亦赤

也今以茜加蘇木曰翹紅母乃緡乎然紅色之尤深許

氏曰絲勞染而又染為勞也如今西洋布可以受三四

十金之紅又如紡絹綾緞皆先染絲而後織者類或是

耳總雀頭也微黑如紺總淺也故引用為總與才裁通

臙支見艸類

月白曰縹淺黃曰緗蒼艾曰綦綠艾曰縹綠曰縹緗黃  
白之間曰半見白光曰勣黃絹曰鮮支黝黑曰阜石輶  
之曰砥 縹青白色緗淺黃色東漢輿服志列侯以上  
得用錦繒采十二色賈人縹緗而已以其色輕也縹是  
今之月白色魏明常被之縹蒼艾色其艸名蒨可染留  
黃或曰蒨即藐此艸也縹緗與戾通綦一作緗艾蒼色  
書曰四人綦弁詩曰綦巾記孔子佩象環五寸而綦組

綬又詩其弁伊騏當與綦通急就有鬱金半見緇白紵  
縹緜綠紉阜紫砭烝栗絹紺縉紅絜鬱金染黃也半見  
言黃白之間烝栗亦微黃色也紵白紵之精光紵紵然  
也紉即素之輕細者說文有艸草二字草斗櫟實也後  
人以草為艸木之艸別作阜或从皂黑黝也借為阜隸  
之阜作阜切烝栗黃色若烝孰之栗絹生曰縉似縑而疏  
者周禮內司服注素紗者今之白縛縛即絹字縛又為  
束名百羽為搏十搏為縛縛為衣裏如今杭緒素紗則

直是紗也一名鮮支廣雅曰鮮支絹也子虛賦注縞鮮  
支今所謂素砥以石輟縞色光澤也小顏音鮮說文尺  
戰切石扞縞也正與輟近蓋縹即蔥色說文縹淺青色  
今日翠藍柳藍詩言蔥珩言其色也急就春艸雞翹鳧  
翁濯顏曰今染家言鴨頭綠翠毛碧後志雲罕編羽繫  
幢民謂雞翹非也義山雞翹正用屬車編羽染色之雞  
翹則為艸名亦以如雞尾翹起耳

濯絳合墨赭之色也今日紫糖正古之淡也 說文淡

即赤字一作証為輕之重文輕即頰也赤輕棠棗之汁  
孫愐收糖字如今人稱紫糖色正指赤棠色也畫家以  
赭石和淡黑染山石曰濯絳又曰淺絳郭若虛曰設色  
輕拂丹青曰吳裝

唐世染色曰退紅 唐詩香注小薰籠韶州新退紅與  
褪同謂淺紅也半新半舊曰褪說文褪卸衣也音退

綠沈淡綠也 說文青黃為綠今以藤黃合靛青即為  
苦綠周竹坡以子笑綠沈槍為卧於苔為綠所沈大謬



王勉夫引梁或食綠沈瓜聞任昉卒劉邵賦綠沈黃間  
吳曾曰六典鼓吹工人服綠沈古樂府綠沈明月弦唐  
太宗羽騎綠沈弓宋元嘉廣州作綠沈屏風石虎作綠  
沈色扇王右軍筆經人以綠沈漆筆管見遺其為色明  
矣趙德麟侯鯖錄引陸龜蒙詩以綠沈為竹所見亦未  
廣也升菴見此耳綠沈言其色淡沈正今之苦綠色其  
以黃加玄者曰油綠黑綠

凡言竊言盜皆借色淺色閒色也 烏九扈有竊脂竊

藍等色爾雅虎竊毛謂淺色也扈之竊脂言其色如靠肉也竊藍淺藍也八駿有盜驪盜亦竊意謂淺驪也古人善巧煉字大率如此環濟要略曰正色五青赤黃白黑也閒色五紺紅縹紫流黃也升菴曰似綠者曰校蔥暝色也檀面色也離草色也

罨畫生色也 墨客揮犀曰罨畫今之生色高續古引秦韜玉詩花明驛路膜脂暖山入江亭罨畫開李西臺盧贊元詩皆用罨畫劉商隱愛義興罨畫溪

乾  
巽  
震  
艮

通雅卷三十七

欽定四庫全書

子部  
通雅卷三十八

詳校官中書臣朱文翰

員外郎臣牛稔文履勘

總校官降調編修臣倉聖脉

校對官中書臣高 中

謄錄監生臣閻崇禮

欽定四庫全書

通雅卷三十八

明 方以智 撰

宮室

凡前聽事古皆曰廡後曰寢 儀禮廡即廟宮前曰廟  
後曰寢今王宮之前殿士大夫之廳事是也虞箴曰民  
有寢廟巧言之詩曰奕奕寢廟左傳曰鼠不穴于寢廡  
猶後世俗言廟朝廟堂也死則異為宮而祭之有廡而  
無寢謂之祖廡稱廟道謂之宗廟覲禮諸侯覲前朝皆

受舍于朝既高乃右肉袒于廟門之東乃入門右聽事  
聽古作聃後人作廳康成謂四時朝覲受之祖廟蓋不  
知朝之為廟而誤以為宗廟也若果受之于宗廟則天  
子不容負依南面矣爾雅曰室有東西廂曰廟無東西  
廂有室曰寢無室曰榭廟皆有室猶今士大夫五架梁  
兩旁之房也廷唐丁切堂下南除也說文曰廷朝中也庭  
宮中也古者廷不屋諸侯相朝雨雪衣失容則廢後世  
屋之加广焉實無二也郭忠恕曰廷去聲庭平聲智謂

古初無庭字也古者朝寢堂室通謂之宮廷在堂下如  
今朝賀皆在丹墀後人加广耳或者陞上之臺如今衙  
堂作卷蓬乎殿本師行甬者殿後取意借為宮殿

定見切

智按殿亦廷之轉聲廷之于殿猶陳之于田如雷電亦  
作雷霆可證也師古讀朝廷如定田汝成笑其為方言  
豈知古實有此音如莊子逕庭非去聲乎屋高巖通謂  
之殿如霍光傳鳥鳴殿前樹上古不分上下稱也明堂  
亦通稱壇以稷配天故屋以文王配上帝齊有明堂乃



行在所也故孟子曰王者之堂神農天府黃帝合宮堯  
衢室舜總章夏世室殷重屋九室十二堂皆說者類附  
之

適室正寢也 寢古文說文从寢省从宀从艹牀也所寢  
處也儀禮適室如適子之適謂正室也周禮王六寢注  
路寢一小寢五京山曰陰數六也智按莊公薨于路寢  
僖公薨于小寢內寢也路大也總言後寢之大曰路寢  
指其房間曰小寢或廂或別寢皆可曰小魯直詩公虛

采蘋宮行樂在小寢蓋謂別寢杜預揣以小寢定夫人寢也今人訃曰終於正寢統言其在後堂耳陸放翁以爲誤則又誤矣

待漏院即朝房也 唐之朝堂在宣政門之外儀衛志文武列于兩觀監察御史列于東西朝堂輒道傳點畢內門開領百官入監門校尉唱籍序班于通乾觀象門南入宣政門六典註曰棲鳳闕下即朝堂蓋若今五鳳樓內皇極門外之兩廡也元和中置待漏院于建福門

外令百官朝以避風霜宋設待漏院于丹鳳門之右王  
元之作記

左介左閒也 北史李謚傳左介即寢之房也升菴以  
為捲蓬智按捲蓬在前亦稱屠蘇所謂軒也介乃介字  
左傳一个行李古畫相近介或為介音亦相轉如今有  
件字亦介介之轉也凡曰介者閒也介在二者閒也聲  
亦通

雝和周之二宮也 譙周曰成王作辟上官周器之銘

多有曰王在雝上宮辟雝蓋二宮名也古鼎銘又曰惟  
三月初吉壬寅王在和宮大夫始錫作彝文曰王在辟  
宮獻工錫章雝也和宮殆雝宮之異名乎智按凡木  
之衡植者曰和或曰桓和其辟雝之旁衡一堂邪汲冢  
載大庭小庭即正殿旁殿也和猶若雝之旁殿也河間  
獻王獻雅樂對三雍宮應劭曰辟雍靈臺明堂由三雍  
宮可想二宮之稱蓋聽人稱之黃圖曰漢明堂在長安  
西南七里靈臺在西北八里辟雍在西北七里河間對

三雍即此東都賦言赤水朱光清池泱泱左制辟雍右  
大靈臺辟雍象璧園雍以水牛弘傳言漢明堂亦有璧  
水李尤明堂銘云流水泱泱是也袁準駁蔡邕明堂辟  
雍合論鍾繇傳言辟雍非大學甚明戴埴以魯因泮水  
作宮非學校也漢儒半水之說甚妄合溪升菴暢其說  
因此明三雍宮之說而雖和為二宮明矣說文作辟廡  
解曰辟牆也廡天子享宴辟廡也魯詩解云駟虞文王  
圓名辟雍大玉宮名也王制漢時筆也既曰辟雍而頌

曰西雍考古圖又有胥雍則辟雍西雍胥雍皆為宮名  
無疑

商中商庭西庭也 郊祀志作建章宮其西則商中數  
十里如淳曰商中商庭也師古曰商金也序在秋故謂  
西方之庭為商庭

內中猶唐言南內今言大內也 漢元封二季甘泉宮  
內中產芝注內中後庭之實此解已拘蓋猶今言大內  
也爾雅其內謂之家官家則曰大內唐詩月明南內更

無人人謂或稱西內非矣唐三內西內太極宮東內大明宮南內興慶宮孔光傳供養行內師古曰行在所之內中也按天子在宮何言行在所當是班行之內或曰大行行禮次也

乞活臺古之吹臺今之繁臺也 陳留風俗傳曰倉頡師曠城上有列僊吹臺北有牧澤中出蘭蒲土多雋髦衿帶俗稱蒲關澤梁王增築以為吹臺城隍遂滅略存故跡阮籍詩駕言發魏都南向望吹臺簫管有遺音梁

王安在哉晉世喪亂乞活憑居削墮故基遂成二層上  
基猶方四五十步高一丈餘世謂之乞活臺又謂之婆  
臺城梁水經此有陰溝鴻溝之稱焉按此臺在浚儀縣  
續述征記以睢陽為師曠城言郭緣生踐逸門升吹臺  
酈道元非之謂此乃梁氏之臺門魏惠之朝居非吹臺  
也文昌襍錄曰東京記天清繁臺梁孝王之吹臺後有  
繁氏居其側里人呼為繁臺李白嘗登之吹去聲

睢陽虎圈臺即蠡臺也 司馬彪郡國志睢陽縣盧門



亭有蠡臺續述征記曰迴道似蠡則當讀為螺矣酈氏  
非之闕子宋景公登虎圈之臺援丸牛之弓射之矢踰  
孟霜之山則蠡臺即虎圈臺也御覽引闕子文選鮑照  
詩注皆作西霜惟藝文類聚作孟霜之山睢陽梁孝王  
封國今歸德府也

諂門別門也 前侯王表周有逃責之臺服虔曰周赧  
負責逃此劉德曰洛陽宮諂臺是也

音移韻  
會音侈

文選諂門

曲榭謂別門也晉載記劉曜傳諂門旦空智考石林燕

語東華門直北有東向門與內東門相直謂之謬門而無榜內香藥庫在謬門外伯厚曰謬門始標額于熙寧謬即謬公紹引陸雲與兄書云曹公所為屋折其謬堂不可壞直以斧斫之方子謙又引陸雲集云曹公有謬塘劉孝綽詩反景照謬塘智謂塘何用斧折必刺誤而子謙誤引也說文謬離別也籒閣邊小屋也徐鉉引爾雅樓邊小屋解謬臺集韻籒通作謬則謬即爾雅之籒乎如此止當讀移而音侈音多則古多有迤池二音也

多見其不知量古作敍與祗禊通迨室从多可推也又按爾雅屋上薄謂之筵連筵謂髣韻會字彙何以不詳引爾雅而且遺失筵字

夏屋屋兩下也屋翼一名搏風一名兩徘徊 鄭注檀弓曰夏屋今之門廡也兩下為之四阿今之四注屋殷人始為四注屋即重屋復窄也疏曰復窄重承壁材智以為雙簷也夏后之屋南北兩下而已周制天子諸侯得為殿屋四注卿以下兩下則南北有雷而東西有榮

是以燕禮言東雷而大夫士禮則言東榮也若詩之夏屋渠渠則指房俎矣其下處謂之雷在侑謂之榮演繁露曰榮翼也今謂之兩徘徊四注則曰東西雷今謂之金廂道士冠篇賈公彥疏榮屋翼也即今之搏風也伯厚作搏風九夫曰軒曲輶藩車借為堂垂檐下別起敞房曰薄水陸游作撲水李翊作泊暑

庭燎庭陸設火也 石勒作大庭燎兩層下層可置二十人曾以油傾燒死今皇極殿前置六庭燎于陸階之

間如小亭上覆琉璃瓦，倚如窻櫺，表以紙，內建大燭，營  
衛之士自午門外，別用蘆薄麻，稻作三椽架，以一炬然  
之。詩注燎去聲，廣韻通平去。

梁恩網綴交疏也。明堂位：魯大廟之飾，山節藻梲，復

廟重簷，刮楹達鄉，反坫出尊，崇坫康圭，康音抗。疏：屏注  
屏謂之植，今浮思也。刺之為雲氣蟲獸，如今闕上正義  
疏：刺也。漢時謂屏為浮思。天子外屏，匠人注云：城隅謂  
角浮思也。漢時東闕浮思，災浮思小樓也。文紀七季未

央宮東闕罽罽災注罽罽謂連闕曲閣涓陵延陵園門  
亦有罽罽加罔狀其雕刻櫺宮闕屏門皆有之即楚  
辭所稱網戶朱綴刺方連也蘇鶚曰師古釋名釋罽罽  
皆誤按謂織絲唐文宗實錄甘露之變出殿北門裂斷  
罽罽而去溫庭筠補陳武帝書罽罽畫卷閭闔晨開皆  
非曲閣屏障之意程大昌兩存之智按宮闕上拱斗雕  
櫺用銅絲帖金網之下用黃絲作網垂于楹檻上下皆  
可謂之罽罽刺版網綴總象罽罽元稹詩網索西臨太

液池注網索在太液池上學士候對於此蓋隨駕張設  
耳元美竝未細閱古人以網解罟罟之意將但以為照  
牆乎夫古號疏屏則屏樹之間亦必染拱雕刻網綴故  
呼罟罟漢災實指此類至唐宋則真有網索寧責其不  
用邪升菴言籀文作罟罟釋名作寧思其曰覆思則舊  
注訓也

屋極謂之桷板 屋極屋棟也子雲賦日月纔經于桷

板音央辰 服虔曰桷中央也板屋椳也韋昭曰宸屋雷也

天子之居曰楓宸今言宸極宸屋上棟隆之所居也舊說帝居惟楓修大可構故曰楓宸此義亦牽強楓木豈可作柱此語不見經文人以楓丹因丹宸丹宸遂用楓宸耳

趨樓闕兩觀也 元志闕南曰崇天北曰後載東曰東華西曰西華崇天兩觀皆三趨樓琉璃瓦飾簷脊直有大明門在崇天門內今北東西三宮俱因元舊不改脊直謂立金寶瓶也



植立表坊曰桓門

柱之植立曰桓

戶官切

雙桓曰桓門

漢尹賞傳時紅陽長仲輕俠浩商殺義渠長少季探丸為彈分赤黑白賞選三輔高第為長安令作虎穴捕少季惡子內之瘞出寺門桓東舊亭大版貫柱四出名曰桓表縣所治夾兩邊各一今猶謂之和表師古曰即華表揭著姓名有桓東少季場之歌曰安所求子死桓東少季場桓門之東戮人處也桓門亦謂和門亦謂華表桓譚新論晉中經簿作華譚桓和華一聲也古通而今

分周禮曰以旌為左右和之門唐禮講武建旗為和門  
謝惠連祭古塚序曰兩頭無和俗云懷頭版和訛為懷  
也諸侯墓植桓楹穿中為鹿盧以縣率下棺天子墓斲  
石為碑以為鹿盧記曰公室視豐碑三家視桓楹後人  
效之因刻碑以志墓曰桓碑桓圭則以其博直如桓也  
別作瓛篆作𡗗从回不从互

怡慶之機即門內之畿也 毛傳曰畿門內也讀詩記  
曰韓愈詩白石為門畿以畿為閭呂覽曰出則以車入

則以輦務以自佚命曰怡慶之機高誘曰怡丑吏反至也慶機門內之位馮嗣宗曰畿機同姑因此以存漢說其實詳呂本意與下文爛腸之食伐性之斧句類則何必如此拙解

兩旁貼方曰棖門中可櫛關者曰闌 闌古臬字鄭玄

曰闌古文作絜熱省聲說文曰臬从自木射準的也

李陽冰曰劓省聲爾雅棖

宅 咍切

謂之楔

先 結切

櫛謂之闌

魚列切

又櫛

音特

謂之杙在牆曰揮在地曰臬此等甚混以

經傳考之絜植木于地也故亦謂榘亦曰弋考工曰置  
絜以縣可見謂絜為榘為弋則可謂閫為臬則不可夫  
禮所謂棖者門兩旁長木今謂貼方陸德明曰兩旁木  
楔是也禮所謂臬者門中關木今所謂屨古詩謂屨屨  
俗謂之直拴其橫者呼為楨小者謂拴其門大則須直  
立木作拴也關門雖不設闌而闌之位存君出入中門  
則當闌也介拂闌以佐君也大夫中棖與闌之間則加  
遠也士介拂棖則逾遠矣冠禮筮日席西闌西闕外闌

之不可謂閫明矣閫即闕門限也又作柵說文曰柵門  
柵也此由不知柵為直立之義耳古者門通車故中必  
去限故為短限餘則有連限者禮行不履闕謂當跨過  
之也說文楔欂也欂精廉切徐鉉曰即尖字戴氏非之  
云欂古砧字夫安知古不二音乎

門限曰切一曰門柵 漢趙后傳切皆銅皆冒黃金塗  
謂門限也闕之上稜為切說文限一曰門柵先結切智  
永作鐵門限

結艸木為小廬曰菴廬 直翁曰園屋集韻或作菴通  
作菴古無庵字鄭玄釋諒闇曰讀如鷓鴣之鷓猶廬也  
菴是菴間耳後漢皇甫規身入菴廬巡視三軍感悅漢  
胡建傳注區者小室之名若為菴屋之類北周武帝攻  
北齊設柏菴其遺也升菴引蜀都菴藹王克菴丘至晉  
有菴慢菴間之語獨不言皇甫之菴廬邪又欲用古篆  
之菴石鼓文之窳元人止菴印章之盦有漢之菴字不  
用而及此支矣

冬突突窻複室也 招魂曰冬有突夏夏室寒些注謂  
複室也史記上林賦巖突洞房漢書作巖突師古曰如  
窻突也何費力邪林鉞引作子虛非矣說文窻窻窻深  
也音香廣韻爾雅室東南隅謂之窻俗作突而黃公紹  
韻會嘯韻載突字引莊子鷄生于突九辨冬有突智按  
是不知突夏為窻厦而又以招魂為九辨也徐無鬼鷄  
生于突齊物論突者咬者山穴近也

倉琅根椒圖鋪首也 嬾真子曰杜牧之花萼樓詩云

千秋佳節名空在承露絲囊世已無唯有紫苔偏稱意  
季季應得上金鋪金鋪出甘泉賦云排玉戶而颺金鋪  
注云金鋪門首也智按門之鋪首所以銜環者鋪平聲  
哀帝元壽中孝元廣殿門龜蛇金鋪鳴童謠曰木門倉  
琅根注倉琅根宮門銅鍤也鍤讀與環同椒圖龍之一  
子似螺師其閉戶故立椒圖于門漢注音鋪去聲一曰  
螺首

夾門堂曰塾因為家衙為謁舍 三輔黃圖曰未央宮



外有塾門外舍也臣來朝君至門外當就舍更熟思所  
應對之事古今注亦云塾之言熟也孫炎曰夾門堂周  
禮考工匠人門堂三之一注以為塾食貨志春將出民  
里胥平旦坐于右塾鄰長坐于左塾師古曰門側之堂  
曰塾又禮記家有塾注古者仕已老歸教于里閭朝夕  
坐門側之臺謂之塾集韻或作闕闕贅矣王莽傳有里  
區謁舍升菴以不宿客為里區宿客之舍曰謁舍智按  
謁舍猶今客坐也衙門有候謁廳里區總言里中區也

管子有士舍注士謂里尉每里置舍使尉居焉

重輶猶重櫟言其密互也 張敞傳得之殿屋重輶中

蘇林曰重焚也音老師古曰今之廊舍一邊虛為兩夏

者按輶為車蓋弓此當是輶說文曰輶椽也楚辭蘭輶

孫恂曰輶簷焚亦椽桴也吳志太史慈傳射賊貫賊手

著焚時賊攀樓也焚輶之間何以藏人乎褚少孫載曼

倩識騶牙之事言得之重輶中重輶欄楯之下重欄也

輶音歷與輶讀了相轉耳或曰輶音藥引子美藥欄非

先門即橫門長安北出西頭第一門也 三輔黃圖棘

門在橫門外水經注引西三門曰雍門又曰函里門又

曰先門又曰突門王莽改橫門為霸都門左幽亭如淳

曰橫音光則兩存橫光二門乎蓋古庚韻通于陽韻橫

讀曰黃訛為光耳吳人至今呼橫為黃

蒿宮猶言茅茨土階也 蒿柱或曰蒿宮言茅茨意耳

必如大戴禮言周時德澤和洽蒿茂大以為宮柱名曰

蒿宮此則奇矣然宋人小說言粵中有大蒿甘州茄梗

皆可作柱

屈柱跌瓦柱頭之斗拱瓦簷相交承者也 水經注文  
昌殿文石為基一基下五百武屈柱跌瓦悉鑄銅為之  
箋云屈當為屋智按是拱斗月牙之短柱也其文與跌  
瓦相對跌瓦謂如足跌相躡即祀中央簷瓦也洹水遶鄴  
建春門外有石梁矩螭跌勒甚佳亦言其相承躡之形  
也

樸角猶白屋也 淮南子曰堯樸角不斲素題不斲董

道跋韓退之徐偃王碑徐放所書其曰故制樸角昔人嘗改集中為楠字愈蓋用淮南語也楠椽也

覆海藻井也一曰鬪八一曰愚項存中曰屋上覆椽古人謂之綺井又謂之覆海今令文文中謂之鬪八吳人謂之愚項唯宮室祠觀為之智按藻井乃今之拱斗一曰升斗若覆椽則古之椽屋椽也薄版曰望版或用望版存中蓋謂重出之飛簷耳升菴以為天花版蓋鬪八謂承仰版之拱斗也其形似之元有蓋頂殿蓋頂

之制三椽其頂若筭之平今所謂燕窩制也常居上有承塵今曰仰塵劉龔昭陽殿以金為仰陽銀為地面士夫閼閱之門亦謂之闕 唐宋敬則以孝義世被旌顯一門六闕相望又楊炎祖哲父播三世以孝行聞門樹六闕闕言額也又尹仁恕曾祖養祖怱父慕先一門四闕史功臣表明其等曰伐積日曰閱漢書齋伐閱上募府後因作閼閱元之品制有爵者為烏頭閼閱冊府元龜言閼閱二柱相去一丈柱端安瓦筒號為烏頭染

即為之闕柱端之筒謂之指頭又曰護朽陸文量菽園雜記引博物志虬形似龍而小好立險故立于護朽上所謂露柱也

竈額竈突也都竈大竈也 陳晦伯引莊子仲尼作春秋老聃踞竈觚而聽之問何書曰春秋也困學紀聞曰竈觚竈額也何孟春記宋人曾以竈觚為突與智謂觚猶隅也韻會曰鄭武公掘突突竈自也荅賓戲曰墨突不黔桓譚新論稱淳于髡言曲突徙薪人為徐福上書

亦用曲突謂烟時突出也說文突

徒骨切

犬從穴暫出也

突深也深今作深一曰竈突从穴从火从求省

式鍼切

凡

夫曰竈深溷用竈或是从灰會意智按六書故作虞引  
商頌窳入其阻說文作果毛氏曰深也疑即窳字作果  
無義俗謂深黑為窳窳凡夫急詆戴氏忽從戴奇矣又  
改從灰吳敬甫作窳从穴友音屋謂窳乃屋深而借為深  
遠深乃桂陽水名耳智謂水名深正以其深也借水借  
屋何異乎竈門亦可稱竈窳矣五行志元鳳元季燕王



宮豕出圜壞都竈師古曰圜豕牢也都竈烝炊之大竈也金史胡刺即竈突也突亦未必从犬从犬許之臆也石承礎礎也尚書大傳曰庶人有石承當柱下而已不外出以為飾此今之石顙也柯古言羅公遠隱形于石礪中是唐人謂礎為礪

甃穢今之甃地也伯厚引堂涂注曰漢時明堂涂為

令甃穢音零令甃則今之塼也穢則塼道也智按鄭注

考工記堦前若今辟穢分其督侑之修以二分為之峻

中央為督欲去水故中峻而邊迤也漢尹賞傳以令辟  
為郭爾雅瓠甌謂之甃說文曰瓠甃也塹瓠適也郭氏  
曰即今甃甌也庖累以甃甌為障按瓠甃即今甃瓠本  
仰瓦之溝也所謂建瓠也塹壞曰塹壘砌曰甃甃地中  
平四邊必通甃匣則亦溝意也今街道及庭院多以磚  
側累之園亭有累瓦成水紋者取其濾水有似于瓠中  
飽邊庫匠呼曰鱖魚背此之謂瓠甃甃甃咳階皆通用  
央瀆匣緒陰溝也漏井滲坑也 匣音偃隱曲也傳曰規

匿豬周禮曰為其井匿鄭氏曰匿豬雷下地今陽溝升  
菴曰漏井今滲坑匿緒今陰溝御覽引莊子逸篇羊溝  
之難稱按荀子有央溝魯靈光賦言澧騰涌于陰溝今  
以塼墁下溝曰陰明作溝者曰陽地官注謂御溝植楊  
曰楊溝中華古今注曰羊喜觸藩為溝隔之曰羊溝此  
皆強說也荀子入其央瀆注中瀆也即人家水溝央羊  
楊皆陽之借聲

屋頭圓頭也 湘素襍記曰李濟翁云如廁為屋頭一

說北齊文宣帝怒魏郡丞崔欽鑽以園汁沃頭因謂之  
園頭唐桑篇觀室者周于寢廟又適其偃焉注偃謂屏  
廁也屏廁則以偃溲此但小溲于偃處耳

凡兩夾之間曰廁溷廁其一名也 武帝據廁見衛青  
時已為大將軍亦不應如此凡言廁者皆為其在兩物  
之間漢文居霸北臨廁使慎夫人鼓瑟韋昭曰高岸夾  
水為廁水經曰今白鹿原夾二水矣霸水自北原來合  
漚也智按金日磾奏廁心動乃遇莽何羅蓋宮殿中之

夾合處師古曰奏向也智謂奏即湊字又與趣通以淮南指趣即指奏也若晉景公之張如廁陷管寧遇海風念嘗如廁不冠劉季和如廁過香爐劉實如石崇廁反走王敦食棗郭璞設醜銜刀則真溷矣

堊堊巧墁也

山海經陸郈

音

之山其下多堊大次之

山其陽多堊今本艸則載白堊以嫌白惡字改為堊不知乃白堊周禮桃則黝堊之匠人白盛蜃灰也揚雄傳獲人注古之善塗堊者堊今之仰泥也智按俗作雪洞

承塵多用仰塗之法說文引朽椁或从土唐號國召工  
巧漫取螻蟻蜥蜴記數言其上下四周密緻也伯溫因  
周惡夫印并謂惡亞亞為一本作亞

嘖室即衢室之遺也漢有交午亦詢木也管子對桓  
公黃帝立明臺之議堯有衢室之問舜有告善之旌禹  
立建鼓之朝湯有總街之庭以觀人誹武王有靈臺之  
復公曰吾欲效之名曰嘖室以東郭牙為之即詢木建  
鼓之意也崔豹古今注荅程雅問堯詢木曰華表木形

似桔槔大路交衢悉施焉秦除之漢復修今西京謂之  
交午木注服虔曰堯作橋梁交午柱頭交午作工以子  
午為直或曰交衢之柱下有撐木者是也今諫鼓猶存  
唐垂拱置四銅甌塗以方色列朝堂以給事為理甌使  
宋雍熙元年改甌院為登聞院至道改為登聞檢院天  
聖七年置匭函又置檢理使以中丞為之建炎從李綱  
言詔隸諫院今時登聞鼓日以一科員直之漢有皂囊  
書版亦士傳言之意也九章表皆啟封言密事得皂囊

光和元季詔蔡邕陳政要以阜囊封上禮儀志冬夏至  
八能士書版言事封以阜囊送西陞跪授尚書晉元會  
設白獸樽獻直言發此樽飲酒乃杜舉之遺式也唐顯  
慶置嘉石垂拱時許撾鼓立石者御史受狀為奏長安  
故宮闕前有唐肺石尚在長八九尺形如垂肺肺主聲  
聲所以達其寃也四色匭是武后置代宗詔不許匭使  
閱投匭人文狀開元十九季正字于休烈奉表投丹匭  
招諫匭也杜甫進三賦投青匭延恩匭也高郢建造寺



投丹匭李渤孟簡俱曾以知匭事稱渤言事大者以聞  
次白宰相下以移有司有司不當許再納匭詔可此有  
體之言也

唐有甲庫藏奏鈔之地也 龐元英文昌雜錄曰如令  
甲令丙程大昌曰唐中書門下吏部各有甲厯凡三庫  
以若干人為一甲在選部則名團甲太和九年勅六品  
以下自稱舊官皆下甲庫檢勘有無正元四年吏部奏  
三庫勅甲又經失墜乃至制勅旨甲皆被改毀宋時有

勅甲旨甲之稱猶今言底言案也遼史有架閣庫管勾  
元有左右部架閣庫即唐之甲庫也宋人諱貞元為正  
元

街彈在鄉之旗亭也過所猶今之遞舖也 里宰以歲

時合耦于鋤注鋤者里宰治處也若今街彈之室在街  
置室檢彈一里之民于此合耦使相助佐金石錄漢都  
鄉正街彈碑在汝州界故昆陽城中歲月略可觀蓋中  
平二季正月而其額題都鄉正街彈碑莫知其為何碑

也水經魯陽縣有南陽都鄉正衛彈碑平氏縣有南陽都鄉正衛彈碑隸釋亦以為衛彈碑蓋未考此注也酸棗令劉然碑云愍念烝民勞苦不均為作正彈造設門更司關以節傳出之注傳如今移過所文書智以過所今驛遮小遮即舖兵舖遮也因以過所文書亦名過所司布市以次序分地注次謂吏所治舍思次介次也若今市亭然張平子西京賦廊開九市通關帶關旗亭五重俯察百隧周制大胥今也惟尉注漢宮闕疏曰長

安立九市其六市在道西三市在道東史記褚先生曰  
臣為郎與方士會旗亭下介次市亭之屬別小者也遺  
人十里有廬三十里有宿注廬若今野候徒有房也宿  
可止宿若今亭有室矣疏漢時野路候迎賓客之處皆  
有房舍與廬相似漢法十里有亭有三老人皆有宮室  
故引以為況也今所謂亭則獨立柱空敞而已國語曰  
有寓望注境上有寄寓之舍候望之人

艇梁浮橋也 秦始皇作浮橋見春秋後傳史記秦昭

襄五十季初作河橋元和志河陽浮橋駕黃河為之列  
船巨竄通典曰孟津亦曰富平津杜元凱造浮橋東晉  
有朱雀浮桁與丹陽竹格驟騎為四航孝武寧康元季  
除四桁稅唐六典造舟之梁四河三洛一河則蒲津太  
陽明津洛則孝義也段國沙州記吐谷渾于河上作橋  
曰河厲

絙橋縣度也 釋法顯曰葱嶺入北天竺路臨新頭河  
度七百渡梯躡縣絙過河漢之張騫甘英皆不能至也

酈道元曰蜀賓之境組橋相引郭義恭曰烏耗之西有  
縣渡之國引繩而渡高仙芝恐士卒憚險令人詐為阿  
弩越城守者迎降云阿弩越赤心歸唐沙夷水藤橋已  
斫斷矣即弱水通吐蕃之路也藤橋其所謂縣度者乎  
今貴州通雲南過盤江橋江急兩岸以鐵繩架橋峨嵋  
山西有鐵索橋子美詩卻背五繩橋伽藍記言鉢盧勒  
國向烏場鐵瑣為橋縣虛為度烏蒙有索橋升菴言繩  
上施木筒以解西域度索尋橦之語

行馬柱板也宋謂之杈 官府門設之古賜第亦門施  
行馬今曰攔衆宮闕用朱官寺用黑宋以來謂之杈東  
京夢華錄官司於御廊安立黑漆杈路心安朱漆杈是  
也六韜所謂扶胥即行馬也其行軍施于營之四周者  
謂之拒馬槍

牢籍牢筴也 莊達生篇祝宗人玄端以臨牢筴說彘

牢豕室筴木欄與柵通列子仲尼篇長幼羣聚而為牢  
籍注即牢柵今人皆呼木欄為木柵則莊子之筴竟當

讀柵其音近色

井幹言闌干縱橫也或謂之銀牀 說文韓井垣也从

韋取其帀也 軋聲隸省作韓今作幹或作幹文選謝玄

暉詩注銅雀臺一名井幹樓漢書武帝立井幹樓高五

十丈音韓師古曰積木高于樓若井幹之形也井幹井

上木欄也亦作韓其形四角或八角又謂之銀牀皆井

欄也揚子重黎篇或問茅焦歷井幹之死司馬注曰謂

始皇殺諫者二十七人積之如井幹支矣京山解井卦



言曾見古井以木交午疊起成井曰井幹

團焦團標也 北齊書神武徙并州抵邑人龐氏團焦

中團標也焦弱侯曰標音瓢今人曰團瓢謂為一瓢之地也

方中斥上也 張湯傳治方中注陵上土作方也或言

斥上其曰溫明題湊者東園溫明形如漆箔開一方畫之以鏡置中縣屍上題湊者梓宮便房黃腸題湊以栢木黃心頭皆向內題頭也

下里蒿里

田延季傳積貯諸下里物孟康曰死者

歸蒿里葬地下故曰下里其曰下里巴人之歌即蒿里  
薤露之類也古人好挽歌以為適顏延之挽歌酒市桓  
伊善歌挽歌袁山松道上行殯亦謂好此聲也王商歌  
薤露周舉病之薤即薤薤露蒿里皆下里挽歌蒿里說  
文作薨里薤當作薤

羨道今謂之發圜券堂墓前明堂也俗為券臺 史記  
共伯入釐侯羨沈自殺羨音延始皇紀畢已藏閉中羨

下外門盡閉仙人有羨門子其居於羨道者乎發圈

去聲

謂如橋術也程大昌言鐵券形如半破木甑有四孔穿  
緇其文于面鐫陷金其所謂向山買地之券乎堪輿有  
券臺之說清異錄亦言蔡家用朱書鐵券甃方石二尺  
曰券臺貧者謂之上筵席智按何子元云墓前明堂亦  
名券堂朱子言初不曉後見唐詔改名即研北雜志所  
言也

碑額之圜空所以朔也

古碑文額多有圓孔金龜琳

琅疑之禮記豐碑桓楹注甚詳蓋鑿石鑿竅貫木縣堦  
後乃書題死者之功績于石智按今用繩布甚便而圜  
孔者多是漢碑豈漢猶存此禮乎今以獨題名諡曰表  
詳誌生卒如銘誌曰碣兼題哀辭曰誄碑有名石濶者  
夷白齋詩話引古樂府石濶生口中含悲不得語亦作  
石闕歸田錄言闕口窟呼豁口大王故知闕闕通聲蓋  
石闕即石郭石郭亦碑石也古人通借如此

野狐落即宮人斜 春明退朝錄云唐內人墓謂宮人

斜無功曰唐以前已有之隋煬帝墓宮人有玉鈎斜在江都治西智按青藤路史云唐宮人墓處名野狐落蓋地之偏斜者皆呼斜如褒谷斜谷以斜名樂府有狹斜宮人墓處其地亦名斜故因謂之

負下即霸下 文選曰負下未易居蓋龍之一子為負  
屬好負重故處碑下轉其聲為以噸遂曰霸下又曰負  
下郝氏曰負與背聲相借猶埧之音霸也或曰負貝之  
訛

蜚尾或作鷓尾祠尾鷓吻 蘇鶚曰蜚海獸也漢武作  
柏梁有上疏曰蜚尾水精能避火災顏子推曰東宮舊  
事呼鷓尾為祠尾又呼為鷓吻黃朝英按倦游雜錄言  
漢以宮殿多災術者言天上有魚尾星宜為象冠屋以  
禳之陳書三公黃閣聽事置鷓尾蕭摩訶以功寢室并  
置鷓尾北史宇文愷傳云自晉以前未有鷓尾江南野  
錄用鷓吻此直一聲之轉必欲改蜚字又牽與蜚尤辨  
水陸獸則曲矣大業雜記乾陽殿鷓尾高百七十丈石

林燕語以設吻者為殿

巖廊峻廊也 董仲舒傳舜遊巖廊李義訓曰屋垂曰  
宇宇下曰廡步檐曰廊峻廊謂之巖後漢人嘗用之羽  
林郎一名巖郎後志注曰言從遊獵宿巖下室中自程  
大昌合引一處而博學家竟以巖郎即巖廊此因宣示  
帖廟廊省戶作郎而誤也

承雷謂之窺 程大昌曰說文雷屋水流也堂中有天  
井處智按說文屋水流也竝無下語天井乃院中露處

解雷反支老學菴筆記曰臨江蕭氏五代時祖任湖南  
亡命匿人家雷槽中江湖謂雷為覓世世祠覓頭神戴  
氏覓一作覓古典切古作建建瓴是也檀弓疏承雷以木  
為之宮中以銅用行水俗呼閣漏方言之甑即雷儀禮  
東雷門內雷月令祀中雷注古複穴開上取明溜雨因  
名室之中庭為中雷左傳士季三進及雷杜佑皆引穴  
居為說迂矣說文別之為廡智按大堂接軒中有水覓  
即中雷也



巴飛拖即芭犁也。或作芭籬，亦呼捨籬。即古之儲胥柴籬也。長楊賦儲胥注以為竹捨，累愚按累與籬音近相通。通俗文曰柴垣曰拖，木垣曰栖。南土悉押竹，狹為之斜織者曰巴飛拖。廣韻押籬壁也。史張儀傳注芭犁即織木茸為葦籬。今江南曰芭籬。籬又作攤，攤竹亦名芭。謂可作芭籬也。博雅籬落亦謂籬也。說文柴籬。徐鉉曰樹豎散木為區落。今世皆作巴。唐薛用弱集異記劉方玄宿巴陵館廳其西有芭籬。因籬落用聚落屯落比。

落附落屯落見管寧傳比落見後漢書姜詩傳仇覽傳  
廬落注今人謂院為落前王子侯表江陽侯仁坐役使  
附落免師古曰有衆落來附者輒役使之非法制也

後之用儲胥者猶言御苑也 揚雄長楊賦云木雍槍

纍以為儲胥呂延濟云槍纍作木槍相纍為柵也蘇林

注云木雍柵其外又以竹槍纍為外儲也顏師古曰儲

峙也胥須也以木擁槍及纍繩連結以為儲胥張衡西

京賦云既新作于迎風加露寒與儲胥注云武帝先作

迎風館後加露寒儲胥二館沈約應教詩云南瞻儲胥  
觀北望昆明池李義山詩云風雲長為護儲胥宋子京  
傷孟昭圖云密疏叩儲胥又思歸老云至今三藉在儲  
胥又荅朱彭州云九番官樹老儲胥又讀春詞云蒼龍  
驅暖入儲胥

麗譙譙樓也原父之解不必矣 陳勝傳戰譙門中注  
師古引巢車謂城樓為譙樓卻掃編曰劉原父以為陳  
北門通譙郡故曰譙門智按莊子有麗譙注譙樓也趙

克國木譙注譙樓也則當時實有此語不必強為別訓  
升菴引譙樓為呵譙晦伯譏之是也

僧漢宰堵波者鴈塔也 段成式曰慈恩寺鴈塔題名

自張苔始柳氏序訓言韋肇始董道跋石氏所得陳昭  
題名曰苔登科在天寶陳昭所書在開元九季考封氏  
記自神龍以然矣柳在中和季則廢而復興也馮懶真  
子曰宋宣和初柳瑛集刻之石不載鴈塔本末蓋玄奘  
貞觀三季取經至十九季正月還居洪福寺翻譯四歲

于晉昌里建大慈恩寺永徽二年師造甄浮屠以藏梵  
本言王舍城有僧婆率堵波唐言鴈塔也昔此地伽藍  
食鴈犢鹿三淨食有鴈飛墮應供者僧感泣建塔埋之  
故云太宗製聖教序皇太子又製還聖記弘福寺懷仁  
集右軍字勒二文于碑及鴈塔成褚遂良乃書二帝序  
記安碑塔上遂為遊人地智又按外國志于闐死者火  
化共塋一塔云佛見鴈死以沙塋之稱為鴈塔則又一  
說也中國亦有以訛傳訛之事況外國乎梵言浮圖聚

相也或稱浮圖沙門或稱桑門有云甃塔始此蓋自北魏矣孫愐收塔于合韻徐氏新附說文許慎止有荅小未也凡夫曰借為應聲智按詩有聽言則荅爾雅俞畚然也都俞然否皆應詞畚即荅也今遂製塼

曰十六角曰七級皆塔也 毘陽跋永樂十六角題名曰十六角者庸俗所造佛塔其後又書云進十六角鎮國大浮圖而後魏時又有常山義七級碑

精廬猶精舍也 廣川跋御史臺精舍記唐崔湜撰湜

謂佛之所舍摩騰至洛建精舍為始誤也包咸東海立  
精舍教授此在西漢末魏武嘗曰譙東五十里築精舍  
徐庶折節學問精舍阮孝緒以鹿車為精舍徐伯珍立  
精舍蒙山陳實立精舍講授戴顓立黃鵠山竹林精舍  
張漢直弟出精舍遇之古人于其居也以是名之蓋精  
舍言精一齋心也智謂凡屋之侑齋即曰精舍言潔也  
姜肱傳其盜謝肱于精廬亦是其讀書處今指蘭若  
反坫與臺門回阿相連凡壘土甃成臺可閤物者皆謂

之玷說文以玷為屏誤也 朱子云程泰之小論可取  
因看筆談云有人誤以屏為反玷後見說文玷屏也因  
問泰之曰存中辯是然不是某人誤乃說文誤耳按筆  
談引黃東發以明堂位反玷出尊崇玷康圭士虞禮儀  
于西玷上則累土而為之皆可名玷疑鄭注玷在兩楹  
反爵其上為非智怪存中不引爾雅坳謂之玷注堂角  
也亦累土為之存中又引汲冢書曰回阿反玷注曰外  
向室也據反玷與回阿相連禮記反玷與臺門相連論



語反坫與樹塞門相連智按此均謂宮室崇飾之制今人堂內堂外或楹階作小楯下甃庫壁上平以版或亭阿之內依隅砌臺皆有之臺門之間可以作坫回阿可以作坫兩楹亦可作坫長箋曰今開肆陳物通謂之坫俗改為店此是其源流也

念室動止稽留皆拘繫之稱因指園土若因諸尉氏居室若盧共工發于東冶皆因官因地而有獄有繫非定以此皆豻戶之名也 廣雅曰夏曰夏臺殷曰羑里周

曰圜圜博物志曰夏曰念室殷曰動止周曰稽留韓詩  
傳曰朝廷曰獄鄉亭之繫曰犴通作岸或曰圜扉今畫  
犴犴其遺象犴言守也鄭玄曰獄者埆也尉氏因古獄  
官而名縣也公羊傳南里者何因諸也注因諸齊獄名  
漢書頌繫或在請室或繫居室有若盧獄有共工獄黃  
門北寺則今所云詔獄也干乘貞王傳注前書音義曰  
北寺獄即若盧獄也崔瑗傳東郡發于獄晉宋東冶亦  
有獄西溪叢話引淮南云武王破紂殺之于宣室許叔

重云宣室獄也未央有宣室温室宣音暄見集韻按說  
文宣天子宣室也須緣切無獄名之說姚寬誤矣說文  
獄獄司空也息茲切郎瑛載司空為獄名司空官名獄  
乃司空之獄也賈誼傳大臣造請室而請罪史記袁晁  
傳作清室應劭曰若今鐘下

宋有京瓦通謂勾欄其始名則猶闌干也 東京夢華  
錄有桑家瓦中瓦或曰京瓦南宋市肆記有瓦子勾欄  
自南瓦至龍山瓦凡二十三瓦又謂之邀棚遼志瓦里

官府名宮帳部皆設之想五代時有此稱而宋因之也  
升菴引段國沙州記言吐谷渾作橋勾欄甚嚴王建宮  
詞四面勾欄在水中李義山簾輕幕重金勾欄李長吉  
蟪蛄吊月勾欄下古今注漢成帝顧成腐玉鼎金鑪槐  
樹悉為扶老拘欄畫飛龍雲角虛于其上至宋以後名  
教坊曰勾欄

東箱即東廂 漢書楊敞傳夫人東箱參語周昌傳呂  
后側耳東箱聽師古曰正寢東西室曰箱似箱篋之形

此解迂甚古廂箱通用儀禮公食大夫禮公揖退於箱  
即廂爾雅室有東西廂曰廟說文廂相聲凡在旁謂之  
相金玉其相是也亦謂之襄七襄曰襄服襄是也如曰  
屋似箱箱何似而名乎

室之光處謂之白 祭法注當室之白謂之陽厭謂向  
陽光明處也莊子虛室生白亦謂生光

屋蒙謂之薨薨一作甌一曰屋穩門上衡架者曰楹木  
柯曰桷故以名椽亦謂之榱亦謂棼椽椽端沿檐謂之

檁栲亦謂之槐亦謂之椶或曰雀栲曰連綿 說文夔  
屋棟也栲楮也所訓皆不確智按釋名屋脊曰夔夔蒙  
也在上覆蒙屋也蒙屋最切但拘定屋脊耳左傳慶舍  
援廟棟動于夔豈能及屋脊乎集韻或作夔欂而無所  
出考方言夔謂之夔景純曰即屋椽也今字作夔音萌  
亂音雷以萌證蒙合矣而雷上皆夔豈非謂屋上之椽  
薄邪但壯麗者用木不用竹耳爾雅注桴屋椽或取椽  
義也棟雖為脊亦梁之總名古或借稱之故為通今之

詰曰凡屋多五架正中衡梁曰棟次曰屐下架曰楹楹下多設門故曰門楹如人之省今呼楹坊是也射禮曰序則物當棟堂則物當楹又曰豫則鈎楹內堂則由楹外楹外故當下架之楹射必在外廡以是知之爾雅注曰楹門戶上橫梁也易得其桷謂鴻不能木栖蓋指木柯條也因為屋椽榱言其垂也桷榱言其承列之紛也詳見前子尾抽桷擊扉三豈必抽宮殿之椽乎許氏以楹訓栒則以楹為檟聯殆誤矣栒以聯椽之端沿檐攔

之劉熙曰栲謂之椶絲聯椽頭使齊平也方言屋栲謂之檼注雀栲即屋檐也亦呼為連絲智思雀栲之名蓋因詩松栲有椳松栲有鳥也毛傳曰椳長兒鳥大兒此則不當疏曰鳥是栲狀智謂椳即絲聯之意鳥謂椳頭雀出也履之名鳥亦謂其首合晉人雀栲之稱思之更有何疑康成釋檐亦不當禮記復廟重檐鄭曰承壁木也或古屋四周皆牆如今土庫乎前昂曰軒軒前獨非檐乎垂宇謂之檐亦作欄欄徐鉉曰俗作簷非相如賦



步欄周流爾雅檐謂之摘注屋栒邢叔明曰屋栒又名  
宇謂四垂也士喪禮為銘置宇西階上注宇栒是也今  
曰滴水

義臺猶儀門 莊子義臺即儀臺爾雅閣謂之臺古有  
臺門猶今二門曰儀門集韻古作臺紺珠集引穆天子  
傳作臺古文作臺


子亭謂別大小亭也 李白傳玄宗坐沈香子亭以沈  
香為子亭李漢諫故宗沈香亭材是也柳公權為翰林

文宗夜召對子亭宮人以蠟液濡紙繼之

輦路即輦道樓陞閣道也 疑曜曰李周翰注文選輦

路樓陞也上林賦輦道纚屬如淳曰輦道閣道也世以  
為車輦所行之路非矣又甬路亦飛閣之複道

六朝謂奉道之靜室曰治 異苑云錢塘杜明師夢有  
人入其館是夕謝靈運生旬而懸亡家送靈運於杜治  
養之十五方還都故名客兒注云治音稚奉道之家靜  
室也智推治乃處宇之轉聲吳人猶作此語



通雅卷三十八